

**“Умумжаҳон пул ҳафталиги” (Global Money Week) доирасида ёшлар ўртасида
“Пулни режалаштиринг, келажагингни куринг” мавзусидаги
видеороликлар танловини ўтказиш
ҚОИДАЛАРИ**

1. Умумий қоидалар

Ушбу ҳужжат “Умумжаҳон пул ҳафталиги” (Global Money Week) доирасида ёшлар ўртасида “Пулни режалаштиринг, келажагингни куринг” мавзусидаги видеороликлар танловини (бундан буён матнда Танлов деб юритилади) ташкил этиш ва ўтказишни тартибга солади.

Ушбу танловда молиявий саводхонлик, молиявий режалаштириш, жамғарма маданияти ва рақамли молиявий саводхонликни ургатадиган энг яхши видеоролик аниқланади.

2. Танлов мақсади

Ушбу танлов мақсади ёшларнинг молиявий билимлардан фойдаланган ҳолда тўғри молиявий қарорлар қабул қилиш ва молиявий фаровонликка эришиш учун зарур бўлган билим, кўникма, муносабат ва хулқ-атвори босқичма-босқич эгаллашни таъминлаш муҳимлиги тўғрисида хабардорликни оширишдан ҳамда ёш авлодда пулни тўғри сарфлаш маданияти даражасини шакллантиришдан иборат.

3. Танлов иштирокчилари

Танлов 14-18 ёшдагилар орасида ўтказилади.

Индивидуал ишлар билан бир қаторда коллектив ишлар ҳам қабул қилинади (бунда масъул шахсни кўрсатиш лозим бўлади).

4. Танловнинг асосий шартлари

Танловда 2 дақиқагача бўлган қисқа видеороликлар яратилади.

Муаллиф видеороликда “Пулни режалаштиринг, келажагингни куринг” мавзуси бўйича ўз тасаввурини ёритиб бериши лозим.

5. Танловнинг техник шартлари

Танлов мавзусидан чиқмаган ҳолда видеороликни исталган техник аппарат ёрдамида суратга олиш мумкин.

Видеороликка қўйиладиган талаблар:

- формати: MP4 h264;
- ўлчамлари – 1080p, 720p (эни бўйича минимал ўлчам 1280 пиксель, баландлиги бўйича минимал ўлчам 720 пиксель);
- давомийлиги – 2 дақиқагача;
- видеоролик сюжети иштирокчилар томонидан мустақил белгиланади (хикоя, репортаж, мусиқий клип, мультфильм ва ҳ.к.).

Тақдим этиладиган ижодий ишларда учинчи шахслар ҳуқуқларини бузувчи, Ўзбекистон Республикаси қонунларига зид келувчи ҳамда реклама элементларини ўзида мужассам этувчи маълумотлар бўлмаслиги лозим.

6. Танлов ишларини баҳолаш мезонлари

Танлов бўйича ҳайъат аъзолари видеороликларни қуйидаги мезонлар асосида баҳолашади:

- ижодий ишнинг эълон қилинган мавзуга мос келиши;
- молиявий саводхонликни тўғри ёритиб бериши;
- видеороликнинг креативлиги;
- маълумотларнинг тўлиқлиги;
- эстетик қоидаларга жавоб бериши.

7. Танлов ташкилий қўмитаси ва ҳакамлар ҳайъати

Танлов ташкилий қўмитаси

Танлов ташкилий қўмитаси Ўзбекистон Республикаси Марказий банки ходимларидан ташкил топилади ва қуйидагиларни амалга оширади:

- иштирокчилардан аризалар ва танлов ишларини йиғиш;
- танловга тақдим этилган ишлар, материаллар ва ҳужжатларни текшириш, шу жумладан ишларни контрафактга текшириш ишларини ташкил этиш;
- танловни ўтказиш тартиби ва шартларига риоя этилиши устидан назоратни таъминлаш;
- Марказий банк веб-сайти ва ижтимоий каналларида танлов бўйича эълонларни бериб бориш;

• мазкур ҳужжатнинг 4,5-бандларида кўрсатилган танлов шартларига мос келмаган ишларни муаллифни огоҳлантирмасдан танловда иштирок этишдан четлатиш бўйича таклифларни танлов ҳайъатига киритади.

Танловнинг ташкилий қўмитаси танлов ишларини жамоатчилик эътиборига тақдим этиш ва танлов жараёнини оммавий ахборот воситаларида ёритиш мақсадида муаллифни хабардор қилмасдан ва уларга ҳақ тўламасдан ҳар қандай танлов ишларини тўлиқ ёки қисман нашр этиш ҳуқуқига эга.

Танлов ҳайъати

Танлов ишларини баҳолаш учун Ўзбекистон Республикаси Марказий банки вакилларида танлов ҳайъати тузилади.

Танлов ҳайъатининг ҳар бир вакили танлов мезонларига жавоб бермайдиган танлов ишларини асослантирган ҳолда баҳоламаслик ҳуқуқига эга.

Танлов ҳакамлар ҳайъати аъзоларининг камида 2/3 қисми (кворум) Танлов ишларини баҳолаган тақдирда якуний натижалар инобатга олинади ва ваколатли ҳисобланади.

8. Танловни ташкил этиш тартиби ва шартлари

Танлов ишлари **2023 йил 6 апрелдан 30 апрель куни 16:00 дақиқагача қабул қилинади**. 2023 йил 30 апрелдан кейин келиб тушган ариза ва ишлар танловида иштирок этишига рухсат берилмайди. Танловида иштирок этиш танлов шартлари билан танишиб чиққанлик ва уларга тўлиқ риоя этилишига розиликни англатади.

Муаллиф автоматик тарзда ўз ижодий ишларини Марказий банкнинг расмий каналлари, молиявий саводхонлик бўйича ижтимоий тармоқ саҳифаларида нашр қилишга розилик беради.

Ғолибларни саралаш тартиби

Танлов бўйича ҳакамлар ҳайъати аъзолари танлов доирасида аризаларни қабул қилиш яқунланганидан сўнг ҳар бир иштирокчининг ижодий ишини тегишли мезонга асосан ўрнатилган тартибда баҳолайди. Баҳолаш натижаларига кўра танлов ташкилий қўмитаси балларни умумлаштириб чиқади. Энг кўп балл тўплаган иштирокчилар орасидан ғолиб ва совриндорлар аниқланади.

Мазкур ҳужжатнинг 4,5-бандларида кўрсатилган шартларга жавоб бермайдиган ижодий ишлар ҳакамлар ҳайъати томонидан кўриб чиқилмайди.

Танлов бўйича ижодий ишларга тақриз берилмайди ва ишлар қайтарилмайди. Танлов жараёнлари ва натижалари бўйича шикоятлар/ апелляциялар қабул қилинмайди.

Агар ғолиблар аниқланмаса, танлов ҳайъати танловни бекор қилиш тўғрисида қарор қабул қилиш ҳуқуқига эга.

Танлов ғолиблари Марказий банкнинг расмий веб-сайти ва ижтимоий саҳифаларида эълон қилинади.

Агар танлов ғолиб совринни олишдан бош тортган бўлса ёки танлов натижалари эълон қилинган кундан бошлаб 10 банк иш куни ичида уни олиш ниятини билдирмаган бўлса, ғолибнинг совринни олиш ҳуқуқи йўқолган деб ҳисобланади. Совринни олишдан бош тортган ёки белгиланган муддатда совринни олиш/ундан фойдаланиш ниятини билдирмаган ғолиб ушбу муддатдан кейин совринни ташкилотчидан талаб қилишга ҳақли эмас. Соврин танлов рўйхатида иккинчи (2-ўрин)ни олган ғолибига берилади.

Танлов ғолиб ва совриндорлари қуйидаги эсдалик совғалари билан тақдирланадилар:

- 1-ўрин –**ноутбук**;
- 2-ўрин –**смартфон**;
- 3-ўрин – **смартсоат**.

9. Аризаларни тақдим этиш

Танлов иштирокчилари аризалар ва видеороликларни konkurs.cbu@gmail.com электрон почта манзилига юборишлари (хат мавзусида “Global Money Week” ёшлар учун танлов, “Global Money Week” деб кўрсатилиши шарт), электрон почта манзили, 100001, Тошкент ш., Ислом Каримов кўчаси, 6 почта манзилига, ҳудудий Бош бошқармалари (<https://cbu.uz/oz/about/central-office/regional/>) орқали юбориши ёки шахсан электрон хотирада Марказий банк биносига олиб келиб беришлари мумкин.

Қўшимча саволлар юзасидан қуйидаги телефон рақамига мурожаат қилинг: +99871 212-73-56, +99871 212-73-58.

Ариза шакли

Иштирокчи (иштирокчилар) Ф.И.Ш.	
Таълим олаётган жойи (мактаб номери, манзили)	
Телефон рақами	
Уй манзили	
Электрон почта манзили	
Мактаб раҳбариятининг Ф.И.Ш. ва телефон рақамлари	